

晚晴移詩匯

晚晴謠詩匯卷五十九目錄

任蘭枝 六首

魏廷珍 一首

甘汝來 五首

徐士林 一首

萬承蒼 五首

向日貞 一首

李元直 三首

李茹旻 六首

陳法 四首

陳曠雯 一首

張梁 十首

何毓秀 一首

李宗渭 三首

郭雍 二首

明鼎 三首

紀邁宜 二十六首

錢家壑 二首

劉揆 一首

王爲垣 一首

郎大乾 一首

江曾圻 一首

高啟元 一首

康忱 一首

蒙額圖 一首

傅王露 一首

楊超曾 二首

德齡 二首

陳儀 一首

薩綸錫 一首

潘瀄 十首

裘璉 十五首

嚴禹沛 四首

胡虞繼 一首

賽都 一首

龔炳 二首

顧成天 五首

程世繩 四首

葉正夏 二首

楊士凝 二首

張揆方 二首

沈元滄 一首

翟鑄 一首

宮爾勸 七首

邱嘉穗 一首

晚晴移詩匯卷五十九

徐世昌

任蘭枝字香谷溧陽人康熙癸巳一甲二名進士授編

修官至禮部尙書有見南詩集

詩話香谷律句最工不失杜陵家法他如五古短章皆有古韻平生愛才若渴薦胡稚威鴻博未遇館之數年稚威送其歸葬四詩感恩懷舊亦可謂不負知己矣

大相嶺

肩輿厯峻坂力盡得躋攀冰雪明孤嶺風雲暗百蠻地應
雄劍閣天已進陽關舊說南征相兵戈駐此間

古意

江上露華溼楚山青桂寒洞庭宿雲裏瑤瑟聞哀彈木蘭
湘娥擢芙蓉羽人冠南行飼朱鳥折盡金琅玕

舊井

新井開露桃舊井土花溼新井繙銀瓶舊井瓶不入新井
苦水甘舊井甘水澀君看舊時井亦似新來汲

復移舊寓呈蘅皋叔

萬間已作三年庇再徙還從舊日居回首正如身作客入
門真訝是吾廬攜來雞犬渾知路載後圖書不滿車慚愧
主人迎問訊玉堂清興近何如

關外

路出南關外真成萬里行野花明繡節山鬼辟龍旌原隰
通周索風煙接漢營歡呼聽彝目天意爲銷兵

潼關

昔年衝雪出潼關歸路重看勢險艱嶽色迴臨青嶂外黃

何直下白雲間曾聞司馬嬰城哭誰救中原戰血殷攬轡
時當烽燧息村煙社鼓破愁顏

魏廷珍字君璧一字董村景州人康熙癸巳一甲三名
進士授編修官至工部尙書坐事免還原銜謚文簡
有課忠堂詩鈔

贈潛山張節孝

骨肉本天屬不以憂患間張公至性人高節光寓縣獻逆
亂天常殘傷及枯幹守死獲父靈竟以血同濺弱孫初髻
齡詈賊氣冲漢蘭玉甘摧折行路盡悲怨有僕枕屍股泣
訴腸欲斷精誠格豚魚渠兇爲感歎三世歸樞村匡勳成
饋奠人生豈無死天網明如電至今潛山族華簪享餘善

贈文安王孝子

天性惟一本孺慕無盡時晨昏猶省問況乃生別離所以
至孝心感通若神奇文安王孝子派出太原支父避徭役
苦飄然天之維豈不桑梓念政猛過於厲生子襁褓中乳
哺仰母慈命名縱有意焉知後會期子長未識父向母窮
端倪一聞五內裂旭日繞寒颺雛烏尙反哺孤雲且暮歸
痛父無所依徒生復何爲拜母出門去新婦初結褵尸饔
已有託四海往追馳逾趙凌燕塞跨齊越海湄朝餐荒煙
裏暮宿孤魂祠顙天血泣雨逢人淚陳辭影響兩無音茫
茫去何之艱阻窮且困志益堅不疲寤寐鬼神啟精誠天
地知夢繞田橫島卜協帶山嶧識貌究難辨訊名豁不疑
旁觀驚且歎父子痛把持漂零二十載會合翻成悲棄緇
歸故里舊案得齊眉郡邑上其事朝廷旌門楣蘭桂聯翩

起科名世第推至今華纓結孝乃萬事基吾聞古之人壽
昌良可師孰知三百年前後同一規固由秉彝性真切自
天機尤喜教化興培植世風移名教賴以振慚無華黍詞
所望採風人於此日孳孳

甘汝來字耕道號遜齋奉新人康熙癸巳進士由知縣
官至吏部尙書諡莊恪有甘莊恪公集

詩話莊恪詩文皆不輕作涉筆所及俱流露性情乾
隆己未春闈長洲沈文憲出莊恪之門爲序遺集

竹窗

夙心賞此君久別覺眼俗老僧有情意數竿植檻曲客來
坐禪牀開軒凝眸綠疏影挹清風爲余解煩燠

古杉詩

南昌古豫章以樹名郡治梓生松陽門榮悴關隆替南康

吾支郡巖山在其地上有陳蕃墓兩杉入雲際誰其十年
樹喬木匪偶寄下鍾地之靈上乘天之氣象山我家坐馬
鬣封先世土角流金星形家茲可誌婆娑一古樹孤幹亭
亭植春夏敷榮華秋冬彌蒼翠太傅墳前樹上下論年歲
吁嗟此古木且似植其類惟我大父母矯矯同風味盤錯
係綱常磨礪成節義會合待千年造物有深意雨露日滋
榮永言受蔭庇

銅柱

麗江炎荒之鎖鑰南控安南壤相錯距關一舍分茅嶺漢
家銅柱高岩巒伏波峻業何崢嶸英風萬古震寥廓當日
樓船下交趾疾掃狂童等殘籜二徵授首傳京師九真革
面復疆索郡縣其地中土同螳背安敢復張攫五季陵遲

世多故部領邪行乃橫作宋元師征屢無功包荒無乃太
孱弱蠻夷獷悍本性習朝廷駕馭藉方略將帥豈乏英雄
姿推轂無能專委託有明英公亦人傑功與伏波庶相若
中官繼鎮求珠犀紈袴握兵擁帷幕遂令封豕肆狂噬內
地旁州恣侵掠惜哉用武功不究議祖捐之滿臺閣爵子
世及用羈縻國威如斯亦稍削今代聖神御區寓六合以
內弁包絡况乃近地非遼絕歲修貢職尤謹恪我來行部
視邊徼義取諸豫巖關柝顧瞻前烈蹟未慳來者樹立當
奮躍肯念平生馬少游畏此毒氣熏蒸瘴鄉惡

雜詩

偶寓西山側日夕看不足遙愛峯巒秀清揚好眉目白雲
出其巔玉泉流其麓花木發清香鳥鳴無斷續我生蒙塵

垢勞形日碌碌欲往恣游眺冠蓋苦結束念我蕞門友晶瑩雙璞玉不貴安得賤不榮安得辱逝將黃鵠舉滅跡棲巖曲幽人有同心相期在空谷

青蠅何營營呼羣污我衣我衣新且潔蝨爾無是非驅之薨薨起穴隙更乘機蹙蹙靡所避終日掩荆扉歎息爾微物終安所憑依西風動地來秋霜下巖威看爾翩翩者能再幾時飛

徐士林字式儒號雨峯文登人康熙癸巳進士官至江

蘇巡撫有蟬餘集

詩話雨峯自刑曹山與郡游陟藩臬皆在江左斷疑獄蠲益賦民食其德及擢中丞力行節儉以矯吳下奢靡之俗年餘乞養歸卒於淮安舟次

雪羅漢

色色空空幻復真楞迦豪傑共驚神誰知伏虎降龍手原是冰清雪淡人

萬承蒼字宇光號孺廬南昌人康熙癸巳進士歷官侍講學士有孺廬集

擬剝啄行

剝剝啄啄有客停車童子驚告我迎而趨長揖就坐問無恙乎自我不見日月其徂客漫應我足降及除亟挽其衣謂客徐徐僕有所懷願得少攄時方溽暑天地爲鑪黃埃翳空君馬何驅公卿貴人夏屋渠渠冰簟石牀夢寐華胥君往而謁門者趨起亦有豪客羣聚上都無事日長博奕呼盧君往而入悄焉向隅幽幽陋室簾影蕭疏又無他賓沓至交呼曷不少留待日既晡言有尊酒與君歡娛近述

鄒魯遠談唐虞醉卽倚几而歌嗚嗚昔與君好朱顏玉膚
年不我稽素髮盈顙今者不樂逝者其逾何爲棲棲困於
道途客嘖蹙語子甯知余鳥則有林魚則有蒲弗止弗依
心靡甯屈孰能與子偕集于枯去去勿顧輪音宵如呼童
掩關仰天長吁起視吾益餘三日儲風清月明聊讀我書

九江道上黃菊盛開經數百里不絕傳是東籬遺種
江州古時路黃花翳連岡舉世無人識飄零隨曉霜陶公
感蕭晨采之助飛觴遂令千載後華屋延秋光亭亭金石
姿不隨世炎涼清泉濯宿根空山抱孤芳一承君子顧紉
結古錦囊豈惟制頽齡令德滋日章所以浮湘者亦欲餐
其英柴桑今爲墟此意誰與明

曉入直廬卽目

候曉入承明風傳漏刻清九衢分曙色萬戶動秋聲微雨
不霑地亂雲猶出城常時車馬道未有一塵生

一日復一日

一日復一日一歲復一歲朝饗而夕飧開眼閱斯世食之
飽嗜嗜食不飽怡怡壽命長短不可知讀書樂道無廢時
一日復一日一年復一年開眼閱斯世朝饗而夕飧食不
飽吾悲食飽吾猶思壽命長短不可知憫人疾苦無已時
向日貞字一存成都人康熙癸巳進士改庶吉士授檢

討厯官御史

詩話一存幼時嘗爲人所掠其兄蹤跡得之訟於縣
縣令指庭相令賦詩一存應聲曰柏本棟梁器初生
不自全儻蒙培養力平地
直參天縣令異之得贖歸

古意

不見黃鸞嘯但願鶯嘯早莫使夢遼西省得儂煩惱

李元直字象先號愚村高密人康熙癸巳進士改庶吉

士授編修歷官御史

詩話乾隆初愚村官諫議侃侃有直聲與孫文定及謝侍御濟世陳侍御法稱四君子嘗因召對指斥中外任事大臣直言無所避裕陵嘉之適貢荔支至卽取以賜曰以旌敢言也出巡臺灣拊民糾吏能舉其職

奉使臺灣過仙霞嶺

閩山冬亦佳山容猶黛色仙霞尤蔥鬱萬竿翠欲滴澗杉
戟列門巖花姬窺客彎環入疊嶂忽復明竅隙翻嫌徑坦
平轉樂步盤辟使車動旅亭弓刀嚴郵驛對此桑麻原想
見狐兔宅巖疆守者誰未雨思良畫

臺灣聞蟬

生是餐霞客誰能飲濁流高標雖自許清操本無求螳臂
尋聲至童竿逐響投因風還送籟緘口愧忠謀

登北固山木末樓尋高南阜題壁

危磴攀蘿上來登木末樓帆隨孤鳥去雲共大江流霸業
餘殘碣高蹤感舊游摩挲題壁字慷慨爲誰留

李茹旻字覆如號鷺洲臨川人康熙癸巳進士官內閣

中書雍正甲寅舉博學鴻詞未試卒有二水樓集

詩話覆如才華富贍古體俊邁有奇氣其集句尤擅
名一時集句始盛於荆國文公清江孔毅父亦好爲
之至文文山而極皆江右人也其族弟李穆堂稱其
集句有荆國之恢奇毅父之流利文山之沈壯蓋亦
江右後
來之雋

章江晚泊效梅聖俞五側體

薄暮繫小艇水際縱遠日落照夕掩映激灑散綺縠素練

界浦樹霧杪一綫綠頃刻月已上夜色浸瓦屋畫閣掠笑
語捍撥雜竹肉重露溼稔褐凜凜朔氣肅

匡廬雲海歌

匡廬高峙南斗旁盤根糾結連荆揚雲氣萬頃中伏藏頃
刻狀態千講張夜半天雞引圓吭春風吹我來上方下看
雲族噓蜂房蓬勃爭吐香鑪香亂如泉湧堆陂塘散漫星
海羅崑岡河源江派初濫觴縱橫噴薄相撞塘赤岸水闊
通銀潢上朝紫極排天閭呵叱雲雷雨八荒坐令下界壽
而康不然四極任徜徉西攀若木東搏桑嗚呼噫嘻觀止
矣將視齊州九點如稊糠君不見金輪纔出東溟底鯨波
倏忽斂奇詭海中行復揚塵起滄海桑田類如此

漢元硯歌

康熙二十九年庚午春余得此硯石色深
黑長尺許廣五寸厚可三寸堅潤無兩光

可鑑物著手卽汗上一池一龍蟠之足皆三爪中
受墨處稍窪環暈微有墨漬小孔四隅夔稜漸沒
兩牆款識皆小楷右偏序云武德四年上開弘文
館臣在陪從上命寫列女傳於屏上嘉賞旋賜漢
元硯受以歸遂銘焉銘曰不磨者神可傳者形
神並妙天地長貞君恩申錫有永其珍虞世南識
下有私甲硯陰中虛四圍輪郭肉好上饒漢元二
字體係小篆下雕一象凸出製亦渾樸按谷永訟
陳湯疏有漢元以來征伐方外之將未嘗有之語
則此漢元當係製作年代蓋漢初無年號史記高
祖入關立爲漢王稱漢元年意卽此時所造蕭何
經紀周到百物具備悉極精良故能有此又小象
始於李斯漢初大書尙仍秦舊亦其證也至虞永
興措書厯取數帖較之筆法略同覺此羊神更勝
當非贗質又其石最重體段無多重至十有二十斤
亦所稀觀因珍藏之爲作此歌或疑大內之物何
以龍非五爪容有日龍五爪大內通用物也上所
親御者特用三爪取通三才之義亦以少爲貴者
耳又曰上用五爪太上用三
爪二說未知孰是并附記之

巨璞胚胎飽精液光怪迸起崑崙坼元氣淋漓滄溟窄嶽
祇駭走神工孽陽九方回祖龍厄誰其獲者帝子赤西京

制詔多乃績真宰上訴天應惜未央煙燄將炎赫雷電晦
冥失踪跡太原公子握天策流轉依然在宮掖中壘遺編
亡故冊詔行祕書書屏帑書罷隻字無差忒帝嘉五絕聲
嘖嘖稽首拜賜歸第宅紀恩鐫銘深鏤刻六十三字釵股
劃一字可抵南金百至今桑海幾變易神物撝呵無缺隙
中磨研處稍窪渴千年墨蝕龍香碧顧我塗鴉澀如棘書
法嬾學由夙昔遠媿前賢妙鈎畫安用聯坳各盡墨徒爾
嗜古有奇癖欽此寶物世希得爲置左右圖書側玉潤金
堅照顏色吁嗟萬物會有役精爽一片肯虛擲方今上有
聖明辟補天何當助微礫

涑水行爲同年甘耕道賦

涑水涓涓繞仙縣百里山川接畿甸秋晚冬初雉兔肥邑

人相誠出增冒御坊錦衣鞞臂來惡如哮虎怒雷電競棲
大厦架鷹隼四逐居民如雀燕雞豚芻豆供給空倉困瓶
罍搜括徧拏攫鞭箠任牙爪人命何如草菅賤牧奔令走
趨下風誰能奮臂一相援強項令君來何遲百鍊之剛今
始見受辭執法急追捕豪奴走匿心膽戰東方千騎疾馳
歸期門四姓呼親串交通朝右肆巧詆切膚上愬滋搖煽
詔下文武尙書省廷尉諸曹參決讞供奉豈有五坊兒逢
迎類多三語掾僉云此令宜罷斥文致其辜工鍛鍊令君
直氣不稍貶逝將解組吾何戀獨賴天子真聖明燭照萬
里誰能眩況乃宵旰憂黎元守令皆由親揀選豈令若輩
恣狂逞反將良收加嚴譴近習交謗徒爾爲爰書奏報空
盈卷親爲平反斥其私更於令君有深眷淥水民爭祝萬

年叩闥聲達蓬萊殿夾道歡迎父母歸家家買酒出釵釧
從此安堵更無虞有巢我居田我佃嗚呼令君有如此一
時旁州皆爾羨安得公輩十數人參錯天下爲方面

上方山次南輝禪師韻

磴道攀緣到上方岩巖驚嶺氣昂藏紅樓拔地千尋起紺
壁懸梯百丈長望海盤陀先見日凌雲竹樹飽經霜諸峯
羅列兒孫似信有天龍繞道場

游疊綵巖風洞示從游諸生

天孫織就七襄錦天風吹落堆灘江湘妃漢女拾不得化
爲巨石春濤瀧縠紋皴縐耀初日揚輝爛若燒華釭裏底
況是瓊瓏玉外文中通美可雙誰磨利斧鑿心脊剔抉靈
竅開頑蠢造化小兒好游戲狡獪無乃傷鴻龐前啟南榮

闢堂奧巖溜一縷飛流淙濺珠跳沫無昏曉髣髴金石鳴
琤鏦僧言煮茶甚甘冽游者往往攜罍缸急令引瓢試鑿
鼎數啜果媚枯喉噎旋螺宿篠出山背劃然齟齬含崆峒
拱辰亭矗礙星宿支撐華蓋排天杠壁立千仞俯空闊連
延野綠來軒窗厯落村莊爭入眼原田繡錯紛耕耰海燕
沙鷗掠洲渚青蘋渺渺吹蘭芷還邀天籟穿地肺風挾雨
液聲靜靜石氣冷兼涼颺入冰人肌骨神爲懽祝融之墟
乃有此恍疑身世超炎邦笑謂同人可歸詠爲舞雩曲翻
新腔待攜七尺桃笙來結夏枕此六月飛雪之石砭

陳法字世垂又字聖泉號定齋貴州安平人康熙癸巳
進士改庶吉士授檢討旋改刑部郎中厯官直隸大
名道有內心齋詩藁

諱誥定齋禱齋紫陽粹然正學初爲京朝官與孫文定公及李侍御元直同歲成進士號三異人出守順德引疾歸文定薦復起分巡大名坐河決遣戍尋免歸陳文恭公嘗疏薦又薦舉經學甚推重之

游清涼寺

策杖及山麓已覺心清涼登頓出高閣憑欄俯江光天風左右來飄搖吹我裳竹樹散清影茗椀有餘香何當執熱時披襟此翱翔

天風吹浮雲千古亦不息奈何掃葉僧朝夕盡微力至今畫中人箕帚在其側寺有龔半千畫掃葉僧象造化日代謝人事遞遷

革剩水與殘山幾厯興亡跡前度有劉郎搔首空歎息

軍臺土屋落成

客至休嫌屋打頭拮据夏屋等綢繆材從雪窖枯餘得土是龍堆劫後留豈有板升遺屬國何來蝸角峙蠻陬窮荒

野處由來慣瀚海應驚見蜃樓

清浪灘拜馬伏波廟

欲掃蠻煙願未酬南征一曲怨壺頭丈夫裹革尋常事休
念平生馬少游

陳暲斐字杲亭富順人康熙癸巳進士官樂昌知縣有
殿餘集

舟行

晴川曲曲抱沙隄岸柳依依遠近齊山色欲開疏雨外夕
陽多在亂峯西舟前波浪河流駛望裏煙嵐魯樹低作客
乘春何處往故鄉曾否息征鰲

張梁字大木一字奕山號幻花江南華亭人康熙癸巳
進士有澹吟樓詩鈔

詩話大木爲涇南司寇從父歸愚稱其不樂仕進戶
庭蕭寂如游方外人喜鼓琴興到時弄一二曲年八

詩十章以備一琴意

琴意詩琴曲失傳人矣然大略有二有辭者有有

假若無辭而無辭者竊意伯牙之山水師襄之文王
辭而無之公抵皆無辭也其近而可考者如沈遵
博士爲歐陽公製醉翁操而亡其辭公自爲作歌
而與聲不合又依楚辭作醉翁引好事者亦倚其
辭以製曲雖粗合均度而聲爲辭所繩約非天成
也則琴曲之不必有辭明矣所謂言之不盡聲能
盡聲之妙固有妙於辭者也故作五七雜言十章
名之曰琴意詩者非操非暢非引非弄與前人聽
琴詩相似學者因其意以求其聲庶幾得之
既得其聲則知其妙固非語言之所能盡也

梅花三弄

梅花本笛曲淡淡入我弦凍雲殘雪春乍破一枝兩枝籬
落邊喧啾野雀噪深竹溪水無波照空淥陽和暗覺指下
來遙峯潑翠嵐陰開五色鳳子雙徘徊小弦急大弦緩冷

香拂袖東風軟嫋嫋冰魂吹不斷忽然鶴叫三四聲羅浮
美人夢裏驚霜天欲曉寒更清平生茅屋心珠玉空自惜
山家閉戶悄無人綠絳青苔落英積瑤琴悵悵醉橫膝一
片月當窗白

白雪

撫冰弦之皎潔扣玉弳之玲瓏歎曲高而和寡邈遺音于
郢中恍飛翼之來下兮忽煙靄之溟濛乍迴旋兮舞鸞鶴
于仙島俄散漫兮屑瓊瑤于帝宮沾壁檻灑珠櫛皎兮若
梨花之帶月翩兮似柳絮之因風蕭蕭兮疏竹謾謾兮勁
松喜清光兮照眼快顥氣兮蟠胸乃知聲音之微妙兮移
造化之功顧茲曲之冷淡兮琴每罷而座空獨余情其愛
悅抱幽素兮忡忡

谿山秋月

谿山四時好秋夜氣更清月色終歲佳秋天光愈明此意孰能寫惟有絲桐聲一彈山在眼再彈谿在目谿靜水粼粼山遙峯矗矗慢聲生曠懷幽韻蘊高躅或如臨大壑松風捲波濤或如坐深巖石泉鳴瓊瑤或如鄰古寺雲外吼蒲牢陰崖轉長林仄徑凌絕巘天風縹緲迴泛聲三數點夜深露葉光水天交颺閃如觀荆浩圖如讀謝莊賦年衰倦登臨體弱愁風露間窗時一揮悠然愜心素

良宵引

丁東蓮漏隔花滴水影離離月波白水精簾捲碧窗幽座上清風拂瑤席素琴徐撥玉玲瓏遠寺疏鐘相間鳴夜深錯認天仙下空裏微搖環佩聲

樵歌

出門盡青山擔頭縛斧柯顧盼生得色高林鬱嵯峨軒軒
舉趾健倏忽重巒過山詞連步起興至口則哦聞聲不見
人杳靄隔煙蘿有時驚鶴鶴磔磔離其窠嘔啞字莫辨餘
響飄林多松風與澗瀑天籟遙戛摩運斤以爲節逸調殊
凡科丁丁復許許拉雜聲相和四體無乃疲而非勞者歌
自歌還自罷兀傲焉知他

漢宮秋怨

掖垣天清夜沈沈三十六宮宮漏深鳳輦鸞輿不知處涼
颺微動銀鐺音卷簾徘徊魚鑰靜幾片梧桐落金井昭陽
殿裏月正明長信門前風自冷玉軫金徽聊寄情聲聲彈
出是秋聲酸嘶銀漢哀鴻唳幽咽瑤階怨葦鳴霧溼雲鬢

形附系言圖卷三十一
十三
花影移濃濃絮語夜何其馬卿作賦音尤楚班女裁詩韻
更悲掩抑似聞長太息千回百轉柔腸織罷琴惆悵不成
眠蠟燭飄紅淚珠滴

鶴舞洞天

高山峨峨流水涓涓長松之陰有鶴蹠蹠立蒼苔啄白石
而飲清泉顧風日之和美忽長鳴兮戛然修翎矯雪逸翮
翔煙雌雄迭代悅仰遷延始鳳蹠兮煥爛終龍躍兮蜿蜓
往來絡繹交錯迴旋節若應鼓機如轉圓拂琪樹兮晃朗
落玉花兮聯翩若有人兮幅巾道服安坐調弦想琴心兮
三疊致妙舞乎胎仙

平沙落雁

秋水渺無際天空揚遠音蘆花一片月寂寂寒江深嘹唳

止還作迴翔升復沈涼颺聽又起蕭颯滿疏林

瀟湘水雲

瀟湘之水清且深上下一碧涵古今白雲在天亦在水瀾
漫滉漾連江潯九疑之山相縈帶漢帝于此曾登臨松杉
榕栝百圍大望之不見愁人心昔日築臺賦八景此景未
聞入歌吟風排浪湧散還聚月射波翻晴復陰涓涓細籟
漱幽壑浩浩洪濤揚遠岑水鳥風帆互出沒玉沙錦石空
浮沈豈無澄明好天氣倏忽變換不可尋張衡四愁愁未
已劉向九歎歎難禁我目未覩耳則聞三尺六寸微黃金
永嘉郭君製此曲遙和騷人千載音

琴譜載郭君名海璣楚望浙之永嘉人

挾仙游

登三清眺八極仙人待我白榆側氣鴻濛光翕歛五城十

二樓逍遙在咫尺乘罡風謁帝宮樽桑雞鳴海日紅三青
鳥雲外繞王母錫宴會瓊島嚶如吹玉笙莫是董雙成鏗
若撥琅璈得非王子登江上鼓瑟逢湘靈二十五絃淒以
清踏歌踏歌蓋采和一腳徒跣一脚鞞長板拍罷歸大羅
日爲魂月爲魄皓然方寸中天地原不隔周游六合任曾
臆跨龍腰騎鳳翼邁千齡纔一息

何毓秀字鍾嶽號岱樵東湖人康熙癸巳武進士官江
西都司有岱樵詩集

簡郭梅豁乞竹

爲愛浮筠覆藥欄肯燒玉版佐朝餐南湖杜若香同瘦西
郭茶蘼月共寒問字客來陰作席抱琴人至籜爲冠奚童
草就平安報日日柴門一探看

李宗渭字秦川號稔鄉嘉興人康熙癸巳舉人官永昌知府有瓦缶集

晚過臨平山

朝從西湖來衣上柳花碧舉樞百里中兩頭見山色山光近復遠不覺日將夕水際上漁人煙中語山客明發下灘行遙遙徑微白

淮陰侯

飯信誰淮陰母殺信誰漢宮后飯惜英雄殺忌才千古具眼此兩婦有賢不用斯亡身重瞳區區真婦人

樊川

司勳去已久零落野人家一夜杜陵雨滿村山杏花鬢絲天共老歸思客長嗟蹋草行吟徧樊川春日斜

郭雍字仲穆號約園福清人康熙癸巳舉人有約園詩

集

送季潛芳先輩

郢客迴孤櫂秋亭悵別筵江涵殘雨氣風起夕陽天白髮
寒蟬外青袍旅雁邊莫言不稱意夢澤有微田

瀨溪夜渡

月明行十里寂靜瀨溪船遠火時過樹幽禽早宿煙村斜
穿徑入石碎斷橋懸對此羈懷滿臨風獨扣舷

明鼎字子初號遠村滿洲旗人康熙癸巳副貢

述懷

去年食不足遠投皇甫店白沙蒙青泥數數驟車陷大女
警以嘸小女熱而喘我婦汗霑衣暑炙桃花輦路旁田舍

翁傭人正磨麪意氣何揚揚視儂不欲見念此摧肝腸讀
書得貧賤

九月到安慶十月抵安福長江二千里波濤相起伏雷電
風雨交客如牛羖鯨長眠魚腹中思之已爛熟誰貰不祥
身端然返鄉族朱提餘一封入門愧松竹

戲作呈用拙道人

士龍笑疾未全瘥搦管其如捧腹何東浦出魚西浦網南
山有鳥北山羅能言久欲師鸚鵡下氣今將拜駱駝誰勸
吾兄買官去隱君巧宦不爭多

紀邁宜字偁亭文安人康熙甲午舉人官泰安知州有

儉重堂集

紀曉嵐曰吾宗文安一派衣冠科第甲畿輔文章施
雅承其家學與當代作者相頡頏顧德亭伯父平生性

情篤至寄託遙深其詩上薄風騷下躡宋元無不一

章於東坡居

士爲最近

詩話偲亭罷泰安任以直隸人特命往直省試用署

赤城高邑內邱諸縣時目爲曠典後以子黃中官河

南知縣就養年登大壘詩集十三卷有贈灑殘稟餐

霞閣集岱麓山房稟赤城集蓬山集希阮齋稟華

遊集古博浪集昆陽集愛吾廬集諸目其希阮齋自

序謂漁洋於東坡推服尤至不能爲東坡者決不能

爲阮亭余之步趨坡翁亦何害其希阮蓋跌宕

之餘自饒神韻沈琴旣久於背賢宜有深契也

初至泰郡望岱作

白雲縈山腰城郭附山足出城一迴眺雲散峯可矚磴道

何盤紆迢迢上空曲陰晴景則殊峯峯互相續陰崖積鐵

黑晴巒淡蛾綠中做玉女居金碧炫人目我聞古玉檢俯

拾猶可讀安得陟其巔林間踏白鹿

游普照寺

振策呼芒屨言訪石堂躅石堂渺何許沿回山之麓謾謾
兩株松微風灑茅屋磴轉披積蘚鏡刻尙可讀山峯巧迴
抱白雲峯下宿豁然一逕開芳林兩行縵妙香聞池蓮清
響夏叢竹想見晏坐人斜月伴幽獨

三陽庵

神龍掉尾歸震眩猶用壯幸哉救苦臺觀門扼其吭連蕤
飛天都階墀袤僅丈鬱然數株松干霄氣崛強旁阿繚以
周迤折將焉放峯嶸勢乃奇開拓議恐妄紆步陟高閣已
據雲霄上丹梯復百尺截棄玉京傍兩腋挾雄風鼓勇神
白王絕頂一趺坐耳目得清曠登頓雖稍倦筇杖喜無恙

古風

塞近寒自早山空月方迴愛此簿書稀對月嚼枯茗推卷

起就枕夜闌清夢醒四境勝地多雲壑洞幽暝野鶴唳一
聲孤峯秀逾挺安得踏蒼煙直上盤崖頂

盤崖洞在邑東南峭壁萬仞一

木爲橋經
久不朽

自我山關來無日不見山縈迴數百里往返疲且艱佳處
固幽曠道旁多粗頑樹木望如頽但覺山風寒今朝掃陰
霾夕陽忽來還龍門覲面迎黛色若可餐乃知千蛾眉惟
在心所欣美惡固無常志士發長歎

登獨石口邊城遠望作

兩山如龍翔蠅螻百餘里長城互其上亂石相角犄巍巍
帝王都有成斯有毀何論窮荒地千年泣殘壘築城聲猶
悲垣堞已傾圯所嗟秦人愚買怨徒勞爾新城屹金湯盛
代車同軌築不假民力工費皆官庀寬仁高百王汪澤唐

虞比內外方一家豈藉防奸宄庶以壯觀瞻威靈震遠邇
我登城上望驚砂蔽天起雲黯孤日黃霜嚴百卉死一視
但茫茫峯巒勢未已百夷爭效順駝馬紛填委河流蕩山
來激迅鬻城隄入塞折復出匯作白河水望洋趨巨壑朝
宗正如此關吏招我飲潼乳亦甘美其長八十餘嬰鏖矜
動履自訴征戰勞回首逾三紀曾逐八千卒殲虜數倍蕞
裹糧常不繼酸風射眸子瘡痍猶在體筋力嗟痺痿幸蒙
浩蕩恩月支太倉米感此再三歎上馬仍徙倚時平壯士
老臨風徒撫髀

入關

關外多峻嶺嶺上矗重關往返經嶽峯龍門復長安土木
漸平衍懷來頗寬閑山勢若卻避逡巡青冥間西南接太

行其東互西山層層護神京隱隱若龍蟠居庸最雄長兩
壁高巘屹峽束四十里危堞敲雲端咽喉扼要區兒孫俯
羣巒憶我初來時亂石撞奔湍石瘦傷馬足湍清驚旅顏
十步九傾仄百里千縈盤夜宿魂尙悸晨征氣猶擘今過
成坦途頓忘登陟艱但覺山色佳松石增蒼寒礪水循軌
流徐響鳴潺湲野屋插山嘴屋角山花殷叢祠結構牢緣
崖峻闢千欣覽未及畢南口憩晨餐問此何時修兩月倏
改觀皇仁軫商旅職貢通戎蠻況茲來庭者昆邪暨呼韓
豈忍令遠人興嗟行路難除道典成梁令典載周官帝曰
其郵哉勿惜公帑頒至治洽唐虞德澤豈易殫小臣林泉
侶濫竊膺簪冠斯遊實快意藤杖窮躋攀宇宙富名嶽石
室藏金丹百未探一二所慚雙鬢斑人生幾緡屐浩然發

長歎

登嶽

他山入猶坦迤邐峯巒起西嶽獨雄絕登陟未半里奇峯
墮我前峭壁青冥倚其態乃萬變屢折愈俶詭或紅如砂
瑩或綠如綺靡或如鼎彝斑或如榜蒲齒或如獸欲搏或
如翼斯企或矗如危榭或截如平壘或陷如剝鑿或突如
角犄或如海圖坼或如雁行比槎枒張巨吻蒼蔚秀懸藟
環抱迷向背窅映漏曦曷側身僅得過飛湍怒噴趾二十
八潭懸亂舞瓊膏委鎔銀挂足練長虹飲欄底神龍掉其
尾震撼勢未止轟若車百輛雷吼何時已以茲蘊靈異神
瀛化爲髓蒼翠洞肌膚融冶滴崖址千仞青芙蓉一氣混
茫裏層巔雖未到壯觀斯爲美憩坐久恂恍筇杖且徐理

詠史

三代不可作唐虞去已遙考古自焚餘帝業首漢高白水
興真人泰華爭岵巽昭烈紹兩京鼎足亦堪豪偉哉大度
主刀筆任蕭曹寇鄧老侯封吏術豈非饒功臣免菹醢用
意孰溘澆偏安雖一隅君臣漆投膠二表丕謨訓用酬三
顧勞託孤凜數語大義千古昭肝腸沃冰雪神龍橫絳霄
豈惟莽操輩烈火自煎熬祚永開四百亦覺輕鴻毛

興廢數之常智愚性相反乃萃一人身古今觀亦罕其始
雖足快其終彌覺慘要爲物欲昏豈云識慮短我愛蕭雍
州英年籌略展三十冠諸侯一朝梁臺建潞州別駕豪電
目箭橫撚淨掃宮壺穢告成岱宗檢享祚逾四紀職貢逮
荒遠范徐與姚宋化鈞美互幹雖復潮釋乘亦頗稱慈儉

聞元繼貞觀如樂諧簫管胡爲躓末路迷途入坎窞遂令
地軸翻蒼生但餘喘朱李特鄙夫惟知工媚諂寵任既有
加更復恣忌褊誰召逆景來竟繼祿兒返白馬鞚何驕金
雞帳猶煖化龍首未成上天足笑蹇終當就屠滅痛已徹
幽顯金甌誤撞觸霓裳妙婉轉蒲香幻影銷淋鈴淚痕炫
呵呵殞臺城耶當疲劍棧食子無下意書次罪其緩鸚鵡
問上皇淒涼空滿眼得失皆自我此語甯無歉回首躍龍
池風流徒懷緬女寵及王夫相倚如韞縮兵役事戎狄陰
類每相感一之或有蔽沓來斯不免弗戢終見焚自垢安
可浣浮山眾百萬盡付鯨波捲哀哉南詔師遺骼誰與掩
二君頗相似佚事悲青簡更念苻秦氏取敗由自滿欲恃
鞭斷流將謂山壓卵魚羊忽食人風鶴猶破膽一潰心爭

離重振力告殫黷武戒良深噬臍悔已晚

晉宋皆南渡蕙蘼氣不振持蓋與行酒千載有遺恨仇恥
何能雪紀綱嗟已紊太陽同萬物臣節殊未順遂令敦溫
徒跋扈踞方鎮王謝盛江東中原日凋困羯胡虐焰長正
始風流盡徙都逮錢塘宋又不如晉讐應不戴天枕戈還
剗刃胡至遂稱臣包羞母乃甚哀哉小朝廷九宇淪左袵
岳韓真名將摧陷無堅陣忠義貫金石智勇出悲憤長城
嗟自壞湖山甘栖遁關閩溯濂洛尼山布餘蔭若欲復兩
河斯人亦可任仁者必有勇聖言甯不信少進輒遷謫遞
世得無悶孝皇殊轍轍撫髀思英雋前後兩相左僨轅愧
張浚生賢欲何爲天意不可問

靖康日乞和徽欽反不歸景泰但主戰空質計知非上皇

閉南內奪門啟危機乃知賊檜黠以此中其微恢復迎二
帝事與君心違所以三字獄冤憤古來稀忠肅功最大社
稷有所依故君由此返不待請與祈奈何指爲罪碧血汚
朝衣忠臣拙自謀千古涕交揮

周鼎七雄烹晉轅戎狄駕六朝困南服五代沸中夏久聚
必泮散紛爭互較藉宋季局忽變一統肩相卸秦隋尙遜
大遼金豈能亞旋乾而轉坤搏戲侈鈞化夢覺失千劫俯
仰空悲詫

四陽庵松歌

昨日櫻桃園裏竹千竿簌簌黏衣綠今朝四陽庵裏松數
株盤礴來天風一株根蟠巨石上鬱律綰結龍蛇狀忽伸
一爪掀巖巒石破天驚泣相向七株離立寺門前亂飄翠

兩霏蒼煙當門兀坐啜苦茗但覺雲煙羃歷相鉤連于中
兩株尤詭異槎枿撐突夜又臂如擎劍戟擁麾幢偶衛仙
官下游戲又如空中懸丹梯從此步步直上排雲霓可望
不可到不如醉倒童子爭扶攜四陽之松真奇絕往來常
聽游人說此際徘徊意未厭重過偃卧松陰月

柏林寺殿壁吳道子畫水

趙州畫水天下聞波濤洶洶如崩雲起伏有勢壁欲動世
上摹本徒紛紛反覆斜正看逾活胸中萬頃傾溟渤朦朧
掛席不敢前蛟龍夜半爭出沒想當蒼茫落筆時星精賜
睽來相窺奮臂一掃風雨疾至今元氣猶淋漓殿宇屢易
壁不易屹然怒浪如山立微損誰能補化工常完呵護知
神力柏林古寺振宗風金碧巍峩矗半空畫旨通禪方入

聖照耀千古無終窮僧繇之龍久飛去虎頭金粟今何處
風塵鞅掌得奇觀如過瞿唐驚灩澦

冬晚東平道中

莽莽長林接山河古鄆州城空經戰伐事往幾春秋蠶尾
浮雲沒堯陵夕照愁客途知欲倦駐馬問寒流

響水鋪道中

百萬軍儲此地供雲中接壤重提封時平斥堠閱千里天
險關門矗幾重河水漫流橫淺渡山岡疊起隱遙峯行人
指點前朝事惟賸寒鴉落照濃

燕然臺懷古

幕府猶餘畫角哀軍屯爭擁紫峯開蓬蓬風自羣山下黯
黯雲從大漠來萬里專征誰奏績千年遺址此登臺書生

別有封侯骨銘勒燕然在上才

渡黃河用漁洋先生韻

森森洪濤絡地長迢迢帆影掛斜陽隄迴曲岸虹千仞雁
起圓沙字幾行久矣鴻溝迷楚漢漫從碣石問滄桑平蕪
莽蒼去聲浮雲合知是當年百戰場

天漢浮槎詎可登雙九跳盪此中騰千帆疾下真如鳥十

月初寒未試冰

杜詩黃河十月冰

覓渡聲傳樵逕月鳴鑣目斷獵

圍鷹明朝更訪夷門道獨向荒煙酌信陵

閔鄉書懷是日擬宿盤豆不果

叢蘆盤豆隔風煙關外心情夏景天漫向稠桑呼妙子可
堪錦瑟憶華年貧攜舊玩詢胡賈老乞金丹禮洞仙明日
雁行欣握手卻愁霜鬢兩皤然

田家絕句

濺濺流水板橋通
林外斜陽作意紅
最是田家好風景
柴門開向亂蟬中

重過大明湖

明湖載酒昔年遊
亂葦荒汀惹暮愁
憑向煙波添浩淼
曲欄深入藕花秋

長城驛

山河十二罷縱橫
松柏空餘哀怨聲
莫向窮荒弔秦壘
田家先已築長城

題寒江釣雪圖

雪壓千山照眼明
茫茫浦溆葉舟橫
鳥飛欲絕人蹤滅
惟聽枯蘆折有聲

盡日炊煙冷釣磯暫移短棹未言歸忽驚白鷺衝舡起恰
映江天一色飛

錢家墜字第五嘉善人康熙甲午舉人官隨州知州重
宴鹿鳴有舡居吟藁

寄東墅主人

共是悲秋客停雲滯異鄉雁書來杳杳花信去堂堂小築
幽棲地高齋爽氣涼何時重把酒離緒訴偏長

辛卯重陽游焦山次韻

游山慕謝公此願矢自昔荏苒閱三載始著登臨屐秋爽
最宜人寥廓豁心迹枯僧不談禪厯厯指古蹟山形變態
多丹厓間白石仰視飛鳥翔去天不盈尺俛瞰大江流洪
濤迅潮汐月明一綫白樹黯雙峯碧勝游續登高信宿窮

幽僻相約待重來攀蘿躡仙宅

劉揆字廷九浙江山陰人康熙甲午舉人官秀水教諭
寄友

我有瀟湘竹中含太古音所思人不見孤月影沈沈何日
臨風奏遙傳此夜心獨宜桓叔夏來聽老龍吟

王爲垣字東注武陵人康熙甲午舉人有六瀾堂集

乾明寺

已識南能域猶傳善卷村石依雲作髓山結水爲根一徑
重華路雙株古佛門欲尋禪寂處蟲語近黃昏

郎大乾字容巖昌平人康熙甲午舉人

序樂堂與家兄夜話

露坐空階夜漏遲白頭兄弟話當時賓朋似雪春垂盡鄰

里如星晚更移粉壁月添新種樹曲廊苔沒舊題詩回頭
默默頻看影狂喜霜髯變黑髭

江曾圻字樹霞鍾祥人康熙甲午舉人

冬夜枕上

宿醒猶未醒城漏已將殘月色臨窗澹鐘聲到枕寒家鄉
千里道歸去一時難展轉不成寐披衣問夜闌

高啟元字辛仲號鹿巖萊陽人康熙甲午舉人官戶部

郎中有遺安堂詩集

詩話鹿巖初不能詩坐事戍遼左乃始爲之
有出塞草賜環後又有歸田草合編爲集

過永平府

誰料盧龍塞今番任意過山城休市早路柳閱人多郭外
殘碑影河干發棹歌那堪懷古意老去未消磨

康忱字子丹興縣人康熙甲午舉人歷官梧州知府有
友霞詩鈔

昨日

昨日有所聞入耳心弗喜輾轉自思維此見無乃鄙同寄
大塊中渾渾忘人已安能入太倉顆粒數穰秕一笑掀簾
出庭色涼如水

蒙額圖字又上滿洲旗人康熙甲午副貢

偶見

唐家宮錦漢家環上有冰紋古色寒道是韓王孫子物前
年賣此度朝餐

傅王露字良木號玉筍又號閩林會稽人康熙乙未一
甲三名進士授編修歷官左中允有玉筍山房集

登昊天閣

高閣凌千尺橫欄繞百尋躋攀通帝座呼吸正天心月出
湄河晚雲橫魏郡陰風飈窺幕近牛斗宿窗深度遠鐘聲
漫凌空磬響沈彤雲環玉妃白露澹珠林徙倚瞻無極遲
徊望所欽塵埃三舍退時序二毛侵萬類俱帡覆孤懷或
鑒臨九闕知易達虎豹莫森森

楊超曾字孟班武陵人康熙乙未進士改庶吉士授編
修官至吏部尚書諡文敏有楊文敏公集

詩話文敏勤學好問迥翔禁籞風采隱然乾隆初撫
廣西督兩江尤多所建樹自以弱翁閣部四世孫會
修續綱目充總裁疏請雪
謗語極沈痛世傳誦之

裏斜道中

千尺連雲磴雄奇自古傳石開微有地峯合更無天車馬

迷襄野樓臺俯漢川重關天險在燒絕自何年

環珠廟江閣酬周穆門

危樓凌漢涘復此暫居停月憶來時白山從去後青人煙
凝晚靄船火散疏星綠水過清絕還令郢客聽

德齡字松如滿州旗人康熙乙未進士改庶吉士授檢

討官至吏部侍郎

春夜禁中間雁

又到東風送雁時鳳樓弦月挂罌罍直廬人靜聞長嘆白
髮紅鐙坐詠詩

早鴻聲裏憶巖棲曲澗春流滿稻畦倦翼過時堪小憩水
清沙白草堂西

陳儀字子翺號一吾文安人康熙乙未進士歷官侍讀

學士有陳學士集

詩話一吾志在經世佐怡賢親王宋文端公視畿輔水利先後營田七萬畝有奇曾以侍講攝天津同知平居好學手不釋卷著述甚富詩其餘事也

宿遷道中望駱馬湖

照眼湖光一片明
遙岑隱約黛眉橫
雲低雁陣垂垂下
風趁漁帆葉葉輕
極浦孤村無限好
淡煙疏柳不勝情
客愁連日忽銷豁
始覺江南道上行

薩綸錫字言如
楚雄人
康熙乙未進士
改庶吉士授檢

討

秋晚遇故人

秋景清無際
天風蕩綠鬟
卧雲連水靜
棲鳥對人閒
磬響巖前寺
月明江上山
偶然逢素友
獨自抱琴還

潘瀉字元亮號南垞貴州平遠人康熙乙未進士改庶

吉士授檢討有春明草橡林詩集

詩話南垞與田端雲格同歲舉於鄉談詩最相契端雲贈以詩云同年三十載握別九年強念我懶成癖知君醒亦狂一官同獲落兩鬢各風霜賴有相尋夢論詩共草堂南垞詩沈鬱頓挫格高調道端雲爲集序謂以郭景純鶴上之才挾劉越石清剛之氣所作悉自胸次蟠屈而出奇而不戾於正

贈元允修觀察

君才十時流名場累侘倖夜光暗投人鮮不按劍視夙具
礪礪節懷中甘滅刺放棹游山陰新詩秋鶴唳千巖與萬
壑筆底紛然會君有越游草歸來舉似我此甯畢君事時乎難
再來幸覩雍熙世

寄答田端雲

天邊一雁過髮髻入沅湘霜雪榆關滿風煙楚塞長故人

經歲別遠道數行將酒冷花寒日離憂不暫忘
緯蕭河上客於世本無爭曬藥惟煩婦題詩不愛名艱難
悲萬里飛動悔平生空具扶犁手何年遂耦耕

送董雨若西征

筆硯宜焚久虬髯鐵衲襜幾年空作客一醉卽爲鄉攀折
官橋柳悲歌古戰場回頭塵滾滾誰劇愛清狂

入關呈黨二依草

往事渾如夢浮生亦有涯不堪頻記憶且自惜年華梁燕
分明語山桃次第花春光無限好都付阿誰家

贈楊朗溪

廿載神相接方壺步後塵人間雲物變我輩性情真淥酒
頻燒燭青山許卜鄰明年重問渡不復歎迷津

遣興

萬事束高閣關心現在身何人光汗簡幾輩沒風塵晚食
無須肉高歌信有神乾坤容嘯傲誰道老夫貧

商邱訪宋五西翊

荻花如雪雁來天重過西州淚盡然把袂乍驚千里外題
襟卻憶十年前場登秫稻新菊酒地近陂塘旋擊鮮相對
莫愁人漸老嵇康懶慢合高眠

書碧山堂稟後

性癖耽尋老古錐巖中宴坐已多時忽驚片片花霑袂又
讀田郎一卷詩

山途

一峯迴處小橋敲風磴松枝亞竹枝溪水拖藍山撲翠大

癡圖畫右丞詩

裘璉字殷玉慈谿人康熙乙未進士改庶吉士有橫山

集

詩話康熙壬辰大興舒大成年十八入翰林乙未同
考得殷玉年七十二因場屋者五十餘年矣殷玉博
通經史才思敏贍詩宗長
慶元和爲高文恪所推重

秋夜

徙倚立庭隅樹杪送明月流輝盈衣袂清影寒肌骨靜聞
眾籟生徐觀萬慮歇溪聲入城來蛩語臨階發仰見彩雲
飛幽懷同飄忽

過飯佛庵

蘭若東皋外投閒此地過斜陽深院少落葉暮秋多清磬
寒殘菊金繩帶女蘿那堪揮塵罷回望白雲阿

登延青閣

高閣信延青，千峯削翠屏。
溪光匹練下，鳥道一樵經。
祠廟何年闢，禪門盡日扃。
煙霞隨地出，駐屐問山靈。

偶成

辭家寒食正蕭蕭，芳草王孫歸路遙。
海雨山雲盈卧閣，愁思苦酒壓春宵。
頻年客計惟彈鋏，近日鄉心只問潮。
不少鹿門妻子在，誰將詞賦換漁樵。

春懷

孤城薄暮散晴煙，孤客逢春眺遠天。
山耐長看添樹好，花因易謝得人憐。
非關病肺新疏酒，多爲牢愁愛早眠。
三楚欲留王粲老，登樓莫遣聽嘒鶉。

春懷

牆外落花紅流鶯嘯樹中客心原斷絕不敢怨春風

送劉仁規

明月照殘孤客夢寒礎搗盡萬山秋欲知別後相思處落葉飛鴻送遠舟

過筠州懷蘇子由

熙甯有蘇子曾此監酒稅直言忤新法炎方禦魑魅獨醒不輟醴白眼看天醉東軒一嘯歌山水日蒼翠錦城與蜀江嘉名良所賜誰知陳州客千古有餘喟

湖口縣

一縣當湖口孤城跨碧山山雲抱樹在江鳥狎人還井邑炊煙斷郊扉雨雪關樓船哀暮角客淚裊潏潏

富春

綠水逐舟行青山夾岸生布帆斜日亂楓樹遠煙平大漢
巖光宅東安刺史城有懷頻覽眺作賦擬西征

舟次蘭溪

傍曉過蘭溪鶯聲歷亂嘯目窮于越外夢斷豫章西霧重
天疑盡煙銜樹漸齊王孫歸未得芳草又淒淒

夢謝對越賦寄

夢回愁不去燒燭看君詩吟到懷人句依然載酒時山城
黃葉蚤海岸白雲遲翹首關山路含悽未有期

聞馮太僕至

風流馮太僕棹雪過鹽川老健輕行役羈愁入舊年占星
能重縣計日卻遲船聞道徵君柳蕭條不似前

途中喜晴

路近五鹽城山雲散曉晴野花如愛客歌鳥欲通名魚笱
當梁設春田帶水耕風光隨覽眺漸覺馬蹏輕

登一杯亭

輕風細雨拂船迴太守祠堂傍水開何處梅花飛檻畔隔
江柳色出城隈春光極目人千里遺蹟當年酒一杯自愛
雲山頻眺望流鶯喚出客思來

嚴禹沛字武遷常熟人康熙乙未進士官中衛知縣有
西圃草堂詩集

客夜

一身鐙共影相對亦何爲世故天涯見鄉心歲暮知虛窗
落殘月宿鳥動寒枝容易明朝看蕭蕭生鬢絲

宿虞山逍遙游是先文靖公讀書館

蕭然一邱壑明哲此幽棲牆借懸崖匝軒因蔭桂低月明
松鼠嘯林暗草蟲嘒煩抱清風滌中宵夢不迷

題鳴沙城

在中衛城東南一百五十里人馬行沙有聲故名隋置環州立鳴沙縣元初爲鳴沙

州

蹀躞霜蹏沙自鳴環州形勝舊隋城雲樓壯壓河流激時
聽蛟龍怒吼聲

青銅峽

在甯夏城西南一百四十里兩山相夾黃河經其冲一名峽口上有古塔一百八座

青銅峽口過輕舟百八亭亭塔影浮奇絕兩山中擘處黃
河千古自東流

胡虞繼字祈緒號芝廬湘潭人康熙乙未進士官宜黃
知縣有芝廬集

嶽麓懷古

堂構低開萬仞峯我來選勝一扶筇荒臺寂寞悲鄒浩斷
碣徘徊認李邕巨麓深陰寒白石寺門斜照亂青松蒼茫
欲共山靈語湖海何年起卧龍

賽都字蓉洲號石田漢軍旗人康熙乙未一甲一名武
進士官至雲南開化鎮總兵有滇南游草

常山別同年王莪園太守

蘭譜同心共幾年琴尊今日對離筵夢回春草池邊路人
隔桃花洞口天六詔風煙新紫綬三朝人物舊青氈門前
一道滹沱水錦字時憑赤鯉傳

龔炳字虎臣號嘯巖新建人康熙乙未武進士官浙江
遊擊有嘯巖詩鈔

落花

梁園學舞不勝春力怯東風
買草茵日暮飄零作紅雨過
牆猶是墜樓人

西宮秋怨

葉落空庭漸有聲長門深鎖
月斜明玉階寂寞無人迹
秋草年年傍我生

顧成天字良哉號小崖上海人
康熙丁酉舉人特賜進

士厯官侍講有金管集花語山房詩文鈔

詩話小崖以表揚忠孝懿行之作數十篇編爲金管
集取晉元帝金管書之語以名之爲世宗睿覽所
及因其恭輓聖祖詩出於忠悃特召予館職
入直上書房其詩直樸無華洵由肫誠流露也

都門留別

八載郎官清禁從承恩親忝大夫封
乞身不羨陶貞白受祿猶慚邴曼容
筆珥延英詳議禮編開崇政廣明農
衰庸

只合歸田去九點還餘未到峯

聖祖仁皇帝輓辭

血氣尊親頸盡延容眞如地蓋如天已增虞舜巡方歲竟
少唐堯在位年

何人不解君臣義罕喻君臣一綫情深淺豈眞關貴賤冷
窗搖筆淚縱橫

鑾輿六度接窮簷日角天顏惕仰瞻此日鼎湖龍已去空
教昂首望龍髯

京國游蹤出塞垣九重猶想對臨軒悲魂恍惚驚魂定聞
道新皇已改元

程世繩字準存自號晴湖休甯人康熙丁酉舉人官京
山知縣有尺木樓詩

渡彭蠡

湖水東西接昌江與贛江眼中無寸岸天際只輕艘浩渺
終何極塵氛到此降康山不可見長嘯倚孤窗

去住

去住皆無策詩書強自親埋愁偏少地希世不如人旅鬢
霜凝鏡山城雨送春茫茫天宇內直道在斯民

零陵舟中

九疑山接零陵近深崗人家頂版獠無日炎蒸長似夏有
時嵐瘴望如潮溪沿舊號愚猶昔竹染殘痕淚未銷怪得
白蘋洲畔客幾番回首自無聊

和顧玉洲九日登高原韻

瀟湘古是悲秋地旅興懜騰強自加千里鄉心隨白雁三

此日余言位各三十一
年客夢厭黃花
荳蔻香
草歸詞賦
荆楚英雄風
換物華更欲
從君重攬勝
卻慚玉樹倚
蒹葭

葉正夏字仲長號桐村德州籍餘姚人康熙丁酉舉人
官魚臺教諭有桐村詩集出關詩

出居庸北口

驅車歌出塞
天險是居庸
但覺峯回轉
不知山幾重
風沙迷獵騎
埃堞隱邊烽
落日荒煙合
愁聽嶺外鐘

董子讀書臺

登眺徒深弔古情
漢庭未解重儒生
大才止作膠西相
遺址今鄰厭次城
衰柳數行湖水碧
亂帆幾點夕陽明
須知不是投閒地
臺畔應聞誦讀聲

楊士凝字笠乘武進人康熙丁酉舉人有芙航詩韻

春江行

江流迢迢接天影雲腳輕帆織煙景江頭自古送遠行一
片春潮水光冷妾身嫁得江南客遠道相思了無策去年
江上別良人萬絲楊柳搖青春今年江樓望長路雨暗鶯
聲嗁不住憶初妾淚滴江潭從君舟渡江之南淚餘酸苦
江水甘攪和入口君心諳君不見春江漁婦隨漁子一生
苦樂江舟裏打魚沽酒醉復醒那識春愁滿江水

溪上踏月調方容

明月出樹間良夜氣以靜溪水鳴潺潺柔浪撼倒景吾徒
迺無事投足避閭井故人送柴門有燭未須秉穿汀互歌
畚花徑曲於縵碧海流清光搜奇刻妝靚造化無停機變
態在俄頃林深雜漁唱不異太古永名浮何足競蹙蹙究

靡聘神役中動搖就懦恥進侍詩書散左右字字盡斲郢
微言立根株內固則外屏惟我二三子相對心耿耿交病
還交攻自勵誠自幸悔尤何窮斯掩德詎一管波瀾觸塵
網諧笑蹈語阱林杪落梵鐘流響發深省爽氣滌酒腸野
色洗詩境感憤機兩忘風露夏衣冷一嘯溪光浴歸路散
人影

張揆方字道營號同夫嘉定人康熙丁酉舉人有米堆

山人詩鈔

陳滄洲曰同夫天姿駿發學有淵源百花一帙
驚才絕艷亦復別有寄託不獨以賦物爲工
詩話同夫爲樸村徵君雲章子康熙丙申薦舉文學
之士直省得十三人樸村其一也有集未見附著於
此

蒙山

東蒙何嵯峨禪祀自上古山空響寒林神靈嘯洞府白雲
流其間出岫作風雨日暮樵擔稀寒鴉自來去

恭壽杖歌爲虛舟丈賦

吾聞桃竹產自銅梁山滇池赤藤光斑斕豈如黃山白岳
千歲連理木枝柯交錯文采珊瑚殷斲成拄杖不佻復不
笨形模兩兩文螭蟠寶中密節中尺度銘詞刀劍兼孟槃
恭壽先生廿年前征車使節無時間桐溪荆溪互遊歷南
走楚越西秦關挂冠歸來越一紀買田築室蓉湖灣葛屐
老龍手中握踏徧江北江南山而我百事欲屏棄日奉談
笑開容顏讀書之臺望湖閣臺與閣皆在錫山煙消日出懸銅鏡
杖頭百錢亦易辦青鞋布襪相追攀

沈元滄字麟洲仁和人康熙丁酉副貢官文昌知縣有

滋蘭堂集

雜詠

避世金門不厭深
華顛短褐歲侵尋
相逢北闕青雲客
誰和南山白石吟
數箸能談天下事
千秋須識古人心
賈生已去王通逝
獨立蒼茫感不禁

翟鑄字希顏涇縣人康熙丁酉副貢官邳州學正

詩話涇翟氏故大族居桃花潭太白詩所謂桃花潭水深千尺不及汪倫送我情卽其地也乾隆間翟大程雲九看錄其先世詩文兼及鄰族知交投贈之作爲桃花潭文徵六卷述德誦芬用意至善光緒間後人重付剞劂尤見門祚遠而猶盛

山居

松石鬬嶙峋
奇山逢故人
往來天際路
吟嘯夢中身
三月雪猶凍
一巖花不春
泉聲雲外落
洗盡十年塵

宮爾勸字九敘號怡雲高密人舉人歷官雲南布政使
有南溟集

烏蒙馬

滇馬推烏蒙以缺耳爲記牧養草海中往往有上駟昔者
我從征持籌東烏行選駿得紫駟矯健神彩生騎之厯巖
壑所向無陂平兩載共鋒鏑真堪託死生逸足固難別天
機遺瑣屑追風籥浮雲未必無蹏齧區區辨驪黃轉多困
鹽轍世無九方皋騏驥空嗚咽

戊午臘之中旬大雪盈尺方臬使實村來留飲用聚
星堂體賦詩

一冬不雨花焦萼凜風日日吹叢薄農夫對此心如焚田
皆龜坼憂春作遙看赤日下崦嵫忽有片雲起寥廓夜來

仰視審陰晴候明倏昧光閃爍漏盡衾裯寒氣生紙窗屑
屑有聲落旋聞童僕相歡呼今朝雪天需狐貉老夫喜劇
軒前立迴風旋轉勢紛攪廣庭積素須臾間竹樹傾側翻
烏雀蠻奴持帚掃賓徑便有乘輿人躡屩滇南此雪由來
希況當人旱尤足樂隴頭宿麥定抽尖人物之氣一疏淪
更收遠景登高樓同雲低壓天漠漠寬杯急酌那辭醉醉
起狂歌舞大槩利用真不殊粟禱喜雨喜雪同一噓

過翠海

春波如鏡平浩淼帶芳樹緬想繁華時原是歌舞處不見
歌舞者飛起雙白鷺

泛近華浦舟次白馬湖

縛竹苦茅三兩家一灣流水繞門斜老漁補網林中坐祇

有閒鷗管落花

老馬

東郊老驥瘦骨自昂藏誰惜成功大翻憐識路長空羣
思冀北臨陣怯沙場伏櫪年年事堪迴烈士腸

金沙江歌

金沙江水出乳牛來自番域入梁州斜穿六詔經八郡奔
騰下匯岷江流在昔議開輒中止付之天險非人謀聖主
宵旰求民隱凡厥利賴罔不周千古巨功隨運會一勞將
爲滇蜀休驚濤一千三百里險灘一百二十餘吐山卧者威
如伏獅虎立者森若攢戈矛削壁參天類排障懸巖覆地
同垂旒激湍噴霧隱日月狂瀾轟雷撼山邱粵稽龍門關
天險乾坤旋轉神功收通塞豈盡關氣數抑以人力邀天

麻上公

仲雅慶制軍

經始少保繼

廣甯張制軍

余以籌筆襄盛猷任

賢使能諮議廣散財發粟招徠優工師齊集良法出錘鑿
窮處焚膏油岡陵川澤終變易底績七度更春秋苴蘭遠
阻夜郎外貿遷人苦鳥道修近又滇銅供京鑄牛馬脊斷
車折鞫積岨一朝成利涉帆檣上下無夷猶驅石之人有
誰見開山五丁今與儔桑經廊註缺誰補金沙永奠西南
陬

破裘

破羊裘帶酒痕癢補綴差堪禦歲寒記自長安風雪裏卅
年爭教不摧殘

邱嘉穗字秀瑞號實亭上杭人舉人官歸善知縣有東
山草堂集

自龍川還同七弟球讀書舟中

簿領頗勞人行役時徵逐雖有枕中書經年未寓目今朝
去復還公事句當速放舟下槎江歲晏少案牘吾弟最聰
警問字陳卷軸聊爲誦所聞高吟且熟復不知有歸程那
復懷微祿始歎書生樂宦途空碌碌開帆望水雲寄想同
濠濮

晚晴移詩匯卷五十九終